

Anpao Kin

THE DAYBREAK

"Wankantanhan Anpao kin hiyounhipi."—Luke 1. 78.

VOL. XVIII

FOREST CITY, SO. DAK., AUGUST, 1902.

NO. 7

ANPAO - KIN:

Rev. E. Ashley,
Rev. W. J. Cleveland, EDITORS

Anpao wotanin wowapi kin wi iyohina, wiyawapi anpetu tokaheya eca wowapi tokxu kin ogra yewicakiciyapi ece.

Wi akenom (one year) on kaxpapi yamni kajujupi kta.

Wi xape kin kaxpapi wanji sam okise.

Icupi xni itokab kdajujupi kta.

Wowapi askabyapi maxaxana wanji qaix nonpa owapi kin, mazaska cekiya, ANPAO KIN opeton okihipi kta.

Tuwa wowapi kagin kta ca wowapi ska sani el owa kta.

Opetonpi kta wowapi hiyukiyapi qaix ed taku oyakapi kta cinpi na hiyukiyapi ca, wowapi ojula akand deced owapi kta.

REV. E. ASHLEY,
Cheyenne Agency, S. D.

Yawaxteya Cajeyatapi Wowapi Wan

ANPAO KIN iekoyagunyanpi qa wicoran waxte eon iyounpaxtakapi kta wookihi yuha. Okodakiciye-wakan opapi tka abebeya tipi kin, hena iyotan taokiye waxte heca kta. Bixop waun kin eciyatanhan, taku ecamon onxpaxpa oyakapi qa taku bduotanin kta wacin kin hena owasin, qa Tipiwakan iyaza omawani woyakapi kin hena, qa nakun Okodakiciye-wakan kin wotanin tawa toktokeca ed kagapi kta. Oyate unkita-wapi kin owasin Anpao kin icupi qa sanm wicaxa tokeca wicagupi nin ecanmi.

W. H. HARE,
Yewicaxipi Bishop

Sioux Falls, S. D.,

June 8, 1902.

The NIOBRARA CONVOCATION is hereby called to meet at 9 a. m. on Saturday, September 20th, on Black Pipe creek, four miles south of the school house, that date being chosen because it is supposed that many whose presence is desired will be more apt to be free from duty on Saturday and Sunday.

W. H. Hare, Bishop.

Attest:

Wm. Holmes, Secretary.

Niobrara Convocation kin he Sep. 20th Owankayujaja anpetu, mazaškanškan oape napeiyunka apecin, Canonpa Sapa wakpala el Owayawa wan glepi kin, maka iyutapi tom itokaga hel mniciyaktale eciyatanhan wicakicopi, he anpetu kin el na Anpetu wakan kin icunhan, tona wowaši econhanpi kin, na omniciye el hipi kta cinpi kin okihipi kta e kalinigapi.

W. H. Hare, Bishop.

W. Holmes

Wowapi kage cin
Yuwicaka.

ST. ANDREWS' SUNKAKICIYAPI KIN!

Ito misunka oyasin wowapi wan lehan cicagapi kta mitawacin. Wanna tohan Convocation

econpi kta ca Anpao kin el yaotaninpi, hecel icunhan St. Andrew Sunkakiciyapi kin etan Provincial Chapter kin, Niobrara Deanery el un kin he Convocation econpi kte icunhan omniciye econ kta he yeksuyapi kta ca le eciyatanhan kiksuyeciciyapi. He kta omaka kin Convocation mniciyapi šni kin on unkiš eya ataya omniciye econqonpi šni, tka wann econqonpi kta kiyela unyanpi kin on takuku eciciyapi kta wacin. (1) Chapter iyohila etanhan yamni kaliniš yewicašipi kta he woope. Yunkan ito ksabyahan iyukeanyan yecicalinigapi kta nin ecanmi. Tona Wakan tanka šogya wacinyanpi, na St. Andrew Sunkakiciyapi wicohan kin eciyatanhan walitagya olanyanpi ece kin hecapi wašte. Kinhan omniciye el woglakapi ca Wakantanka Tokiconze kin eciyatanhan, na he tokel isanpa yucagapi kte cin on yupiya iwoglakapi kta.

(2) Omniciye kin le el Itancanpi kin apiwicayapi kta. He cel heon tokata omaka opta unyanpi kte cin tona omniciye nita-wapi kin tanyan econpi kta he awacannipi kta na wicayeciluštanpi kta. He eciyatanhan le epin kta. Wanna tehan ilagmayayapi na ecanmi, owekiniš oitancanpi wicohan on hunke šni amayan se na on lieyab emayagnakapi kta iyehantu, na tokeca wanji blotahunkayayapi kta ya cinpi kta naceca. Hecanonpi kta hecinhan he hecetu. Itancanpi kin owapa šni eša St. Andrew Sunkakiciyapi tawicohan kin ije han weksuyin kta na eciyatanhan wowaši ecanonpi kin miš oya wowaši ecamon kta. Heon komakipapi šni po, tuwa tokeca yacinpi kinhan.

(3) Hehanl Chapter tona yan kapi kin hena, tohan omniciye econqonpi eca, hekta omaka nom opta unhiyupi kin tokel škanpi, tokel iyooptapi, naiš taku iwicakuše yanke cin on oglakapi kta ca igluwiyeyapi wašte, kinhan hena on tokata tokel sanpa tanyan kta na wašakapi kta ca takuku akiciblezapi kta naceca. I cin wanna tehan naunkicilhonpi šni, na tokel tiyata škanpi kin tuweni Anpao el oyaka lce šni. Hececa kin on ecanmi. Tokaš tiyata Chapter wanjikji škan kapinpi, naiš anpetu iyohila wocekiye eyapi kta aktonjapi.

Ito tokeltu eša-hunli blihecapi hecinhan, sanpa hececapi kta e iyokicipaštakapi kta, na hunli ŋwa ayapi kinhan kicipaninipi kta, hecel Itancanunyanpi kin on piya cuwiokiniyakel wowaši econqonpi kta. Icin St. Paul eye "Kikta yo, kinhan Christ ioyanpa niču kta." Ho po, omniciye iyehantu šni ecel oyasin wocekiye on unkiciksuyapi kte, na okolakiciye el "tona el opapi kin, iyohila tukte wocon na wicohan tawa kin ognayan, wicakeya na Wakantanka oholaya waecakicon kta" e ceunkiciciyapi wašte. Ho hecetu we lo. Nicinye wanji Pselcin He miye.

Waanatan Wokiksuye ekiglepi.

Hekta Hinhan wakpa el Convocation econpi qon, icunhan kolaunyanpi Waanatan te cin on taku ikiciconzapi. Yunkan tuktel lipaye cin hel Iyan san wanji, na Tipi wakan kin, tuktel wacekiye hi sa, hel wokiksuye wan eglepi kta gluštanpi. Yunkan wehan Inyan san kin he egle yušanpi. Icinhan Deacon, Catchists, na Wawokiya wayawapi kin on iwitayapi, na oyate etanhan tona okihipi kin abi. Wicahapi qel wacekiyapi na lowanpi. Mr. Ashley iye wocekiye econ, na ohakab takuku eye, na hehan Rev. John Wahoyapi na Mr. Alexander Swift Bird woglakapi. Ecel yušanpi hehan Winyan Omniciye etanhan tona hipi kin woyute yuwiyeyapi na B. C. U. omniciye tipi kin el wolwicayapi. He cel Inyan san, Waanatan on wokiksuye kin he yuenihanyan na cantewašteya gluštanpi.

Hehanl lecala July 14-25 oyate oyasin ahi na Inspector McLaughlin kici makoce on woglakapi kin icunhan, July 20th he ehan, St. John Tipi wakan itancan kin el Waanatan on wokiksuye iyokihe kin ecel eglepi na unpi. Yunkan he etanhan wahokonwicakiye oinajin (pulpit) heca. Ituhu can etanhan tanyan kagapi na yupiya wagopi na wašte. Hinhan ce kiyapi kin el Wošnakaga Wotapi wakan wocon kin econ, na wann wahokonwicakiyin kta iye hantu, oinajin el ye na "Ateyapi kin, na Cinhintku kin, na Woniya Wakan caje kin on" eye na omniciye "Amen" eyapi iyohakab, wogiake na oyate taku wan

teca wanyakapi kin, na taku on eglepi kin owicakayaka, na hehan wocekiye kin le eye:

Wakantanka Iyotan wašaka, tuwa nitowicake kin on wicaša ioyabwicayaya ece kin, lehan nitaokiye wanji on kiksuyapi kte cin eciyatanhan wowahokonkiye oinajin kin le eglepi kin, etanhan tona wahokonwicakiye cin wicaluwašte na owicayakiyin kta iceunniciyapi, hecel tona nahonpi kin oyasin oholaya, wicakeya icupi kta, na tonipi kin eciyatanhan nitokiconze kin yutokatapi kta na nicaje kin yuenihanpi kta, Jesus Christ Itancan unyanpi kin eciyatanhan. Amen.


Ho hecel Waanatan on wokiksuye nom eglepi na yušanpi kin oyate yaunpi kin nayahonpi kta ca lecel unkoniciyakapi.

Takušnišni wotanin

Hekta Anpao el unyaotaninpi na Yewicašipi wicohan on mazaška 1,170.22 Sep. 1st 1901, Sep. 1st 1902 iyoknaga South Dakota obašpe kin mnayanpi kta wicacalinigapi unkeyapi. Yunkan hekta Sep. 1st 1901 hetanhan, July 1st 1902 hehanyan mazaska 610.24 mnayanpi he yaotaninpi. He cel cinunkiyapi qon nahaličin 559.98 mnaunyanpi šni, hecel ito Niobrara Deanery el unqonpi kin tona nahali egnakapi šni kin koyanna egnakapi wašte, na tona wanna igluštanpi eša akab mnayanpi na Wicaša wakan tawapi kin yewicakiciye wicašipi wašte. Taku kin le Winyan Omniciyepi kin iblehecapi ece tka ito lehantu kinhan wocekiye oyanke iyohila lica Winyan Omniciye kin womnaye kin le akiglegle wawokiyapi nin unkecinpi. Wicaša nakun taku kin le lila awacinpi wašte.

Anpetu iyohila makoce toktokeca etanhan, wicaša koktopawinge sam opawinge nonpa Milahanska makoce el hipi, na hena el Wotanin wašte owicakiyakapi kta on mazaska cinpi ecee.

J. P. Morgan, New York otonwe el ti kin na lila wijica kin, tamazaska etanhan wacantkiyapi wicohan on wanna mazaska 5,000,000 ayusota keyapi, qeyaš tokeša sanpa ayusotin kta iyu-keanpi.



THE DAYBREAK.

Rev. E. ASHLEY,
Rev. W. J. CLEVELAND
EDITORS.

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription price is 30 cents per annum and may be paid in one or two cent postage stamps.

Single subscriptions for six months, 15 cents.

All subscriptions and matter for publication should be addressed to

REV. E. ASHLEY
Cheyenne Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE,
Missionary Bishop

PRINTED at the office of the "Forest City Press."

ENTERED at the Postoffice at Forest City, S. Dak., as second-class matter

OKOLAKICIYE WAKAN WIYAWAPI.

August wi kin.

3. Yamni iyohakab Anpetu Wakan iwicemna..... To
6. Christ Wayutokecapi kin, Ska
10. Yamni iyohakab Anpetu Wakan iakewanji..... To
17. Yamni iyohakab Anpetu Wakan iakenonpa..... To
24. Yamni iyohakab Anpetu Wakan iakeyamni..... To (Nakun St. Bartholomew Tananpetu kin.)
31. Yamni iyohakab Anpetu Wakan iaketopa..... To

Wotanin-waste Ayapi On Wocekiye.

Anpetu iyohi wicokaya he cin ehan heyapi kta:

Wanikiya waste isto wacantkiya nitawa kdugad, canicipawega akan otkeyahan yaun tka qon, maka akan wicasa un kin owasin Niye ekta etonwanpi qa niwiciyapi nunwe. Amen.

WOWAPI WAKAN YAWAPI WAWOKIYA.

Corinth Oyate wowapi wicakicage, tokaheya

1. Korinth Okolakiciye kin he St. Paul wowapi nom wicakicage cin, he Korinth oyate eccla wicakicage sni, tka oyate tona makobaſpe-Akaiya eyapi kin-kiyela el onyanpi kin koya wicakicage. Korinth otowwe kin he wopeton oyanke tanka heca, Rome etanhan wiyohiyanpata yapi kin, na Greece iwaziyata na itogata cankuyapi ogna yanka, miniwanca ohuta kagla. Heciya wata omanipi oinajin waste eccla yanka na heon wata ciqala kinhan ipa kin opta yuslohanpi, na tankapi kin hel takuku helyapi na opta tokſupi, na piya wata okſupi ecee. Heon Mediterranean miniwanca el watokſupi kin ohinni el ahipi ece, na hecel.

anpetu oyasin omaka teca etanhan na ihanke cin hehanyan wapazopi tanka yuhapi, na hecel oyate ota himniciyapi, na woskata "Isthmean Games" St. Paul 1. Kor. 9: 24-27 el cajeyate cin heconpi. Heon etanhan wijicapi, wayusotapi sa, na wicohan sica yuhapi.

Korinth otowwe, na Akaiya obaſpe el unpi kin, Aisia Minor obaſpe etanhan wayaka akicita Kesar wicayuska kin (hetanhan Tertius, Quartus, Akaius na Fortunatus hecapi) na lehantu Juda wicaſa ota Rome otowwe etanhan habwicayapi qon hel yaſkapi. (Ohan. 18: 21)

2. Okolakiciye kagapi kin. St. Paul Wahoſiye kin he A. D. 52 hehan tokaheya Korinth el hi, na omniciye tipi (synagogue) kin hena el wahokonwicakiye na Jesus, Messiya kin hee oyake sni hehanyan iyokipipi.

Hecon hehanl ſicaya kuwapi, na Juda wicaſa St. Paul iyaliſa yapi na maka itancan Galileo eciyapi kin, woyasu oyanke tawa kin el ahipi. (Ohan. 18: 12)

Hececa eſa Okolakiciye kaga okihi. Tona waonſpewicakiye cin oyate etanhan onſikapi kin, Rome etanhan wayaka wicayuska kin, na Hellenes Ikcewicaſa hecapi kin, lena Wahoſiye wakan kin he lila waſtelapi na cantekiyapi. Juda wicaſa na Hellenes ko lena taku iyokicipipi ſni kin, St. Paul ob un kin icunhan yataninpi ſni, tka tokan iyaye cin ohakab atanin na on Okolakiciye kin yuſkiſke najin. (1) Hunli St. Paul iciyapi (W. 1: 12: 3: 4); (2) owe inonpa wan, Juda wicaſa na Itancanunyapi se St. Peter eciyatanhan najinpi, (W. 1:12;9:5); (3) na owe iyamni, Apollos iya wayapike cin iyokipipi kin on eciyatanhan waawacipipi, (W.1:12); icunhan owe itopa wan Christ eccla on najinpi, (W.1:12). Hellenes ospaye kin tani wicohan wayuſnapi wotapi kin el ſkanpi; Wotapi wakan wocon kin he ikce wotapi heca kagapi; na winyanpi kin woyuonihan on ite akalpe kicunpi qon ayuzamni ehpeyapi; na Hellenes wicaſa wowiyukean on waakinica iyokipipi sa na wakan wicohan akinicapi kin on ohanketa ikcewicaſa woyasu kin el hoyeyapi, na woſape wicohan econpi sa kin on lila wowiſteca.

3. Tohan wowapi kin le kagapi. Waniyetu yamni icunhan, na woſice kin lececa kin na on ospayetonton icicagapi kin on lila oſkiſkapi. Juda ospaye kin Wahoſiye kin yaſicapi, na wakinicapi on oſkiſkapi kin St. Paul nahan, na ohakab oigluhe na wocekiye on wiyungapi kin wowapi kicahipi. Eya heon ekta yin kta awacin tka okihi ſni, hecel wotapi tokaheya kin le, Ephesos otowwe etanhan, Okolakiciye kin wicakicage, omaka A. D. hehantu.

4. Yuwitayapi. Itokab eyapi na wopila eye cin (W. 1:1-9), (1) Oſkiſkapi wicotawacin kin on iyopewicaya, iye onſiſciya wowicakiyake, na ihakab yapi qon tokel oyakapi na tankaiſilapi kin iciwanyag wicaſi, na waonſpekiya kin na onſpewicakiyapi kin tokel wacinyuzapi kta iyececa kin oyaka (W. 1:10-4:21). (2) Hehan olanpi kte cin on Korinth Okolakiciye ekta ſni unpi kin, wawicahapi kin, na ikcewicaſa tawoyasupi el yapi kin, okiciyuzi na okiciyuzi ſni kin on, na witanſna unpi kin na hignatonpi kin on wowicakiyaka (W. 5:8). (3) Hehan talo wakagapi kin wakiyusnapi kin on, na ikcewicaſa wakan oholapi wotapi kin on, Wakan cekiyapi el winyan tokel igluzapi kte cin cajeyate, na Wotapi wakan icinſniyan econpi kin on iyopewicaye, woniya wawicacupi kin cajeyate na etanhan wacantkiyapi kin he iyotan keye, na wicaceji on oyakapi eſa, ieska woyakapi he ikapeya waſte eceya (W. 8:14). (4) Hehan wicowoyake wanji owihanke wanin okiksuye pica kin el woekicetu kin wowicala kin yusuta (W. 15), na (5) takuku owicakiyake, nape wicayusa na wicayawaſte (W. 16).

Cheyenne River Reservation, S. D. (Holiwoju) oyate kin on Woiyowaja wocon Wakiya tokel wicakalini-gapi kta, na tokel econpi kta tawoopepi.

I. Wakiya kin, he wicaſa akenonpapi kta, oyate etanhanpi hea, waniyetu wicemna nom sanpa zaptan (25) aokpanipi kte ſni, hena Cheyenne River Reservation (Holiwoju) oyate etanhanpi hea Ataya Omniciye el wicakalinigapi kta; le etanhan ſakpe (6) waniyetu wanji wocon yuha yapi kta, na ſakpe (6) inſ waniyetu nom. Ohakab oſtan wicakalinigapi kin iyohila waniyetu nom wocon yuha yapi kta, na tokeca wicakalinigapi na wicayuſtanpi ſni hehanyan. Tokaheya ſakpe ayuſtanpi kte cin hena, wicakalinigapi ohakab eccla, aſipekiciya wocon kin on yuſtanpi kta.

Otokahe wicakalinigapi kin ohakab, omaka iyohi wicakalinigapi kte cin, he December wi el, anpetu iyamni tokaheya ececa kta.

Wica tona waniyetu akasaglogan (18) isanpapi kin wicakalini-ga okihi kta.

II. Wakiya wicaſa lecel wicakalinigapi cajepi kin Ateyapi kaipi kta, na hecetu wicakicila ehantanhanſ, Tunkanſila ti ekta wicayusutapi kte cin on yeyin kta. Ateyapi kin Wakiya, wicacaje kin hena hecetuwicakicila ſni, naiſ anpetu wicemna yamni (30) aokpani yeye ſni kinhan, Wakiya Itancan kin he okage wanji Lakota Tawayekiyapi qa kta.

III. Wakiya kin le, iwankab

eyapi ognayan wicakeya wicakalinigapi ohakab, iyepi etanhan Itancan wan na Wowapi kaga wan iglaninigapi kta, Tka, Wakiya wicaſapi kin, cinpi kinhan, Wakiya etanhan ſni wan Wowapi kagin kta kalniga okihi, heconpi ehantanhanſ, he tuwe kin woiyowaja wicohan el waeye naiſ woſtan okihi kte ſni.

IV. Wakiya wicaſapi kin lena Makoe oglaptapi kin he el, oyate tamakoe kin on taku tona iyo-wajapi kin, on woiyowaja wocon yuhapi kin on Committee unpi kta, maka owicacupi kin, owayaſlapi kin, naiſ mazaska kin on, naiſ taku toktokeca oyate iyo-wajapi kin on wayuecetupi kta okihi; Tka, makoe olotapi kin, owayaſla kin, na mazaska kin, na taku tokeca Wakiya cinpi kin, tokaheya oyate iyukeanpi kta ca wicacupi kta, na hecetulapi kinhan, hehan Tunkanſila ti etanhan le wicohan on woopu yuke cin ognayan wayuecetupi kta.

V. Wakiya kin etanhan napeiyunka (9) el unpi kinhan woiyowaja wicohan kin on woſtanpi kta iyenakecapi kta, aokpanipi ehantanſ iyenakecapi ſni hehanyan ape yanka okihi kta.

VI. Woopu itancan kin le apiyapi kte cinhan, omaka iyohila Ataya omniciye el okaſpe yamni hecetulapi hecinhan okihi, na tokel apiyapi hecinhan Ateyapi hecetulakin kta, na Tunkanſila ti kin ekta yeyin kta e kaipi kta.

Iwankab Woopu Itancan na woopu kin, Holiwoju oyate July wi wiyawapi 21st el ataya omniciye econpi kin he icupi na yuecetupi, na ognayan lena Wakiya wicaſapi kte cin wicakalinigapi: Edward Swan, Walter Swift Bird, Ptesanhunka, Canſahake, ſungleſka sapa, Rev. Percy Philips, Clarence Ward, Rev. J. Wahoyapi, Harry F. C. Woods, Hinlian gi, Paddy Miller, Tokaheya wakuwa. Lena etanhan Ed. Swan, Walter Swift Bird, Canſahake, Wahoyapi na Tokeya Wakuwa, hena ſakpe waniyetu wanji on wicayuſtanpi, na unmapi, kin waniyetu nom.

Bishop unkitawapi kin, wowa-pi ihukuya kagapi kin, he lecala Woſna kagapi wicagu, nahan An-pao el untagapi.

Sioux Falls, S. D.

July, 1902.

Niobrara Deanery el Woſna kagapi kin:

Niyepi etanhan tona owakihā kin cicipi wowaglaka cin ohakab, tokata Conyocation econpi kte cin el, taku kin lena iwoglakapi kta e wicakalniga.

1. Duty of the Laity to the Church.

Okolakiciye Wakan etkiya oyate kin tokel econpi kte cin—

A. In the support of local services.

Tiyata wacekiyapi kin okiyapi kte cin on.

B. In building and repair of churches.

Tipi winhan kagapi na apiyapi kin on.

C. In contributions to Missions, Diocesan and General.

Bishop tobaſpe kin el na owanicaya Yewicaſipi kin wamaye kin on.

D. In societies of men and women.

Wica na Winyan omniciye el.

* Tokaheya caſeyatin kta.

Ehake woglakin kin.

2. The Christian's attitude towards the old life.

Tani wicohan kin on Lakota Christian kin tokel opiſeyin kta.

3. The Christian's attitude towards ungodliness in those who represent the Government among the Indians.

Tunkanſilayapi etanhan, Maka itaneanpi Lakotaegna unpi na Wakan cekiyapi opapi ſni on Christian kin tokel opiſeyin kta.

4. Indians and Disease.

Lakota oyate na Wicowayan (Wieokuja).

a. Personal Habits.

Tancan kin on igluhapi kta.

b. Care of sick.

Wayazanſkapi tokel wica kuwapi kta.

c. Care of the home.

Tiwahe tokel awanyakapi kta.

5. Indians and Allotments.

Lakota na maka icupi kin.

6. What Industries the Indians should adopt as useful to Self-Support.

Lakota sanpa iyoptapi kta e Wobliheca wicohan sanm icupi kta hena taku he.

Tokeſa taku ſakpe kin lena tokel owecinhan iwoglakapi kte cinhan Convocation el Wicſa wakan iyukeanpi kta.

Lena caſeyatapi eca Winyan kin hena hel yankapi na nahonpi kin he waſte. Iye iyatayela nni-eyapi kin el taku kin lena iwo-kiſglakapi kta.

1. Christian winyan kin tokel tiwahe awanglakin kta.

The Christian Woman as a Housekeeper.

2. Christian winyan na cinea kin.

The Christian Woman and her Children.

3. Christian winyan kin Okolakiſe el tokel opiſeyin kta.

The Christian Woman in the Church.

W. H. Hare,
Bishop

* Tokaheya caſeyatin kta na ehake woglakin kta eyapi kin, he taku iwoglakapi kta iyokila, tuwa wan econſipi kin he tokaheya woglakin kta, na hehan tuweke ceyas he on taku eyin kta, nahan tawa econſipi kin he ehake woglakin kta, he kapi.

Wakpipakſan etanhan.

Anpao kin:

Koda:—Dehan taku wanji yaotanin ciſi kta. Hekta Siſetonwan oyate heci winyan mitawa qa micinca ko om wai, unkan

ekta wamayazanke qa sanpa, waſake ſni amaye, unkan ihinonhanana koda Rev. John Robinson wotapi wakan makahi, unkan iwamasake ſeſeeca. Unkan ihinonhanana ake Siſseton Agency en Episcopale okodakiſe unpi kin qa koſka okodakiſe unpi kin woyute mmamſkiyapi qa Thomas Cante ekta i owasin ak- uſipi keya, unkan nina pidatunyanpi heon Anpao en owalidaka wacin, qa owasin nayaſhonpi wacin. Ecin tuwe taku waſte eca wicakiſe cinhan pidayapi kinhan he waſte do, qa decen ecami- conpi kin on wopida tanka on piwada, qa on wicoie wan weksu- ye: 1 Theſſ. 5:18, "Taku owasin on wopida eya po, he niyepi on Jeſus Meſſiya en Wakantan- ka tawacin kin hee." Ho mita- kuyepi henana epe kte. Tona Anpao wandakapi owasin napeci- yuzapi.

Henry H. Taylor.

Cheyenne Agency etanhan.

Mitakola Anpao kin:

Taku wanji miyecilaotanin kta wacin ye lo. Hekta omaka 1901 na Oct. wiyawapi tokaheya qel hokſila wanji unyuhapi, na hiyatonpi na nakun hu catkatanhan wicanſipi wanji on wapetokeca na heon lila teunli- lapi eſaſ anpetu conala iyokipiya ankiciſi un kta ca Wakantanka unqupi ceyas ſolunkiyapi ſni. Ho yunkan wi tom lila iyokipiya taku keſaſ ounye, na wana Jan. 1st hetan otokaheya wayazan. He hetan wiyamni okiwanjila wayazanke, na itopa kte con he wana April hee anpetu wiyawapi tokaheya hetanhan na icunhan Eaſter anpetu kin hee. Ho he wayazan yuha kin eſam nakun wayazan na Anpetu kin he el itayetu mazaſkanſkan zaptan ape cin oape okiſe ta yunka na kini, na hetan okiwanjila oape wanji na oape okiſe hecel natipa eſeeca ye lo, na April wiyawapi anpetu wikcemna he oſtan micinkſi woo- zikiye makoce kin ekta iyaye lo. Ho yunkan wakanbeja wan unyuhapi con he le maka akanl to- kahan kte cin he iyeeſe ſe Wa- kantanka hokſila kin le tokeca unqupi ſeſeeca ye lo.

Ho eya kte mitakuyepi le iyukeanpi ye to, wakanbeja wicun- yuhapi kin wanjikji tokeſapi nacece lo ecanmi ye lo. Nitako- lapi wanji miye ye lo.

Wallace Sungowicapi.

Kangi Paha etanhan.

Anpao kin:

Mitakoda iapi tonana on wowapi cicagin kte do. May 10th 1902 Friday icunhan Bishop Mann den hi, qa anpetu kin he nina ki- hanſica qa omanipi fehika tuka Kangi paha etan maka iyutapi wikcemna eſetu okpe unkipi. Mr. Iyayulmani qa Rev. W. D. Rees hena om wai qa oyokiſica eſta, St. Mark Chapter of Raven

Hill en unſidipi qa oyate kin 67 en ahi. He icunhan koſka oko- dakiſe wotapi tanka kagapi. Iho wanna Bishop wahokonunki- yapi, Rev. W. D. Rees ieſka, qa Wicayusutapi ſakpepi. Iho mi- takuyepi tankaya yaunpi kin na- honpo. Okodakiſe de wanna waniyetu ſakowin ſkanpi; unkan miye atayena awamiſcin eca o- telike wada. Rev. W. D. Rees olidateya itawani kta e Bishop econ maſipi eca decen awacanmi. Token wakan kta hwoeſe. Tipi wakan unnicapi heon hepa. Mi- takuyepi, tohan Wakantanka ce- yakiyapi eca en unkiksuya po.

H. R. S. Twobears,
Raven Hill, N. D.

Anpao kin:

Mitakoda taku wanji ya- otanin ciſi wacin. Dena Waniki- ya en wi ſakpe itakinipi kta, July 13th, he en wicayutanpi. Tokaheya, Itancan, Thomas Iya- ulmani; Itancan iyokihe, Joſeph Wacinyanpi; Mazaska awanyaka, Thomas Tawacinhe ſka; Wowapi kaga, Johnnie C. Woods; Iapi awanyaka, Robert Little Cloud; Wannayanpi nonpa, Willie Aha- kekuna qa Bens Rain Bow; Wa- yazanka Michael Canpakſa; Ye- wicaſipi, Henry Two Bear; Wanagi makoce awanyaka, Jibs Wahacanka ſka; Wicatancan a- wanyaka, Peter Otaapena; Tiyo- pa awanyakapi, Stephen Mato lunke ſni qa George M. Brown.

Mrs. Dora Search the Enemy
"Pass Away."

Dear Anpao kin:

Mita kola kin: Eya to- hini waciſi ſni eſa lehanl wocante ſice awakipe na he miyeciluot- anin wancin yelo. He kta July 5th anpetu kin el Winyan mita- wa kin woiyokiſe makoce etan woozikiye ekta iyaye lo. Yun- kan kakel on etan wocante ſice awakipa epe cin he wakanyeja nonpapi na wanji ciqala hena wicagluha tiwotanl ounwaye. Yunkan anpetu kin dehanyan wo- wapi wakan wicoie wanjikji on waſag miſe ſeſeeca. Winyan kin le wana waniyetu ake yamni kici waun kin el ohini taku wanji awableze, unkan le e, tokel okihi ka wakanyeja lena tewicalila na heon etan tiwahe mitawa ataya wicohan wakan el unkiſloipi. Ho mitakolapi, lehanl skain oko- lakiciſe yaunpi con cikſuyapi na tohanl wocekiye eſapi ecan mi- yeksuyapi wacin yelo.

Very respectfully,

Search the Enemy,

Rosebud, S. D.

Episcopal Okolakiſe Wakan kin el Bish- op Owecinhan Heſpi Wanjila kin St. John Wahoſiye wa- kan etanhan uye cin.

[Continued from Jan. number.]

Sheldon, Canterbury el Bish- op itancan kin, omaka 1663 he ehan Wicaſa wakan wan.

James Sharpe eciyapi, Scot- land el Archbishop, iſ Pri- mate, un kta ca Bishop tokto- keca ob yuwakan. Nahan etan- han owecinhan upi kin eciyatan- han, Archbishop, naiſ Primate, Kilgour, Bishops Petrie na Skin- ner ob, Rev. Samuel Seabury, Connecticut obaſpe el Bishop un kta yuwakan.

Hehan Archbishop Moore, Can- terbury, Eng. etanhan, Archbish- op Markham, York obaſpe etan- han, Bishop Moss na Hinchcliffe, hena tob ptaya, Rev. William White, Pennsylvania obaſpe el Bishop un kta, na Rev. Samuel Provoost, New York obaſpe el Bishop un kta e, Feb. 4th 1787 omaka kin el wicayuwakanpi. Nahan ohakab, omaka 1790, Sep. 19 he ehan Archbishop Moore, Bishop Porteus na Thomas ob, Rev. James Madison, Virginia obaſpe el Bishop un kta ca yu- wakanpi.

Yunkan he iyohakab Sep. 17th 1792 he ehan, Bishops Seabury, White, Provoost na Madison, he- na topa, Rev. Thomas Claggett, Maryland obaſpe el Bishop un kta ca yuwakanpi.

Ho Saglaſa Okolakiſe kin el Bishop owecinhan upi na Sts. Pe- ter, Paul na John na Wahoſiye unmapi kin etanhan wowaſake yuhapi kin, United States kin el Bishop tokaheya unpi kin wica- yuwakanpi kin eciyatanhan, iyepi na tona ohakab wicayuwakanpi kin iſ eya Wahoſiye Wakan kin hena etanhan wowaſake yuhapi; hececa kin on Ska hin Okolakiſe el Bishop owecinhan upi kin lececa:

Caſepi kin— Wicayuwakanpi Samuel Seabury... Nov. 14th 1784 William White... Feb 4 1787 Samuel Provoost... " " James Madison... Sep 19 1790 Thos. John Claggett... " 17 1792 Robert Smith... " 14 1795 Edward Bass... May 7 1797 Abraham Jarvis... Sept 18 " Benj. Moore... " 11 1801 Samuel Parker... " 14 1804 John Henry Hobart, May 19 1811 (Le Bishop Hare Tunkanſilku.) Alexander Viets Griswold May 29 1811 Theodore Dehon... Oct 15 1812 Richard Channing Moore May 18 1814 James Kemp... Sep 1 " John Croes... Nov 19 1815 Nathaniel Bowen... Oct 18 1818 Philander Chase... Feb 11 1819 Thomas Church Brownell Oct 27 1819 John Stark Ravenscroft May 22 1823 Henry Ustie Onderdonk Oct 25 1827 William Meade... Aug 19 1829 Wm. Murray Stone, Oct 21 1830 Benj. Tredwell Onderdonk Nov 26 1830 Levi Silliman Ives... Sep 22 1831 John Henry Hopkins, Oct 31 1832 Benj. Bosworth Smith " " " Chas. Pettit McIlvaine " " " Geo. Washington Doane " " James Hervey Otey... Jan 14 1834 Jackson Kemper... Sep 25 1835 Samuel Allen McKoskry July 7 1836

Leonidas Polk	Dec 9 1838
Wm. Heathcote DeLancey	May 9 1839
Christ. Edwards Gadsden	June 21 1840
Wm. Rollinson Whittingham	Sep 17 1840
Stephen Elliott	Feb 28 1841
*Alfred Lee	Oct 12 1841
John Johns	Oct 13 1842
Manton Eastburn	Dec 29 1842
J. Prentis Kewley Henshaw	Aug 11 1843
Carlton Chase	Oct 20 1844
Nicholas Hamner Cobbs	" " "
Cicero Stephens Hawks	" " "
William Jones Boone	Oct 26 "
Geo. Washing'n Freeman	" " "
Horatio Southgate	" " "
Alonzo Potter	Sep 23 1845
George Burgess	Oct 31 1847
George Upfold	Dec 16 1849
Wm. Mercer Green	Feb 24 1850
John Payne	July 11 1851
Francis Huger Rutledge	Oct 15 "
*John Williams	Oct 29 "
Henry John Whitehouse	Nov 20 "
John Mayhew Wainwright	Nov 10 1852
Thomas Frederick Davis	Oct 17 1853
Thomas Atkinson	" " "
William Ingraham Kip	Oct 28 "
Thomas Fielding Scott	Jan 8 1854
Henry Washington Lee	Oct 18 "
Horatio Potter	Nov 22 "
*Thomas March Clark	Dec 6 "
Samuel Bowman	Aug 25 1858
Alexander Gregg	Oct 13 1859
Wm Henry Odenheimer	" " "
Gregory Thurston Bedell	" " "
Henry Benjamin Whipple	" " "
Henry Champlin Lay	Oct 23 "
Joseph Craikshank Talbot	Feb 16 1860
William Bacon Stevens	Jan 2 1862
Richard Hooker Wilmer	March 6 "
Thomas Hubbard Vail	Dec 15 1864
Arthur Cleveland Cox	Jan 4 1865
Charles Todd Quintard	Oct 11 "
Robert Harper Clarkson	Nov 15 "
George Maxwell Randall	Dec 28 "
John Barrett Kerfoot	Jan 25 1866
Channing Moore Williams	Oct 3 "
Joseph Pere Bell Wilmer	Nov 7 "
George David Cummins	Nov 15 "
William Edmond Armitage	Dec 6 "
Henry Adams Neely	Jan 25 1867
Daniel Sylvester Tuttle	May 1 "
John Freeman Young	July 25 "
John Watrus Beekwith	April 2 "
Francis McNece Whittle	April 30 "
W. H. Augustus Bissell	June 3 1868
Charles Franklin Robertson	Oct 25 "
Benjamin Wistar Morris	Dec 3 "
Abraham Newkirk Littlejohn	Jan 27 1869
William Crosswell Doane	Feb 2 "
Frederick Dan Huntington	April 8 "
Ozi William Whittaker	Oct 13 "
Henry Niles Pierce	Jan 25 1870
William Woodruff Niles	Sep 21 "
William Pinckney	Oct 6 "
William Bell White Howe	" " "
M. A. DeWolfe Howe	Oct 8 "
WILLIAM HOBART KARE	Jan 9 1873

Episcopal Okolakiciye el Bishop 201 wicayuwakanpi, tka iopawinge yuwakanpi kin Bishop unkitawapi. Tona cajepi kin itokab—wicanlupi owapi kin hena Bishop Itanean (Presiding Bishop) heepi.

WOTANIN IKCEKA

June 27th ehaml Šaglaša oyate Wicašayatapi, Edward VII eciyapi kin, he watešlagtonkiyapi kta na ekta oyate ataya kinil iyuškiyene hein oiyoikiya škanpi kta ea on taku oyasin wana tanye hein iwinyeya kieagapi yunkan ungnahela wicokuja tehika na on ša tka heca iyatagle. Cankelaka woecon tanka na on ikokab ma-

zaska lila ota aglusotapi qon he tohanltu kta tanin šni ekta eki-gnakapi kta hecela econ pica na ecel kignakapi. Oyate tokeca etanhanhan oksantanhan ekta wanwanyag ahi qon inš eya otu-yacin tehan omanipi na el tamazaska olota glusotapi. Ehakaleš! wicaša onšika na wahpanica kin išnala šni tka nakun Wicašayatapi tanka na oyate tankapi kin inš eya tukaktal teliya waakipapi yukan.

Šaglaša Wicašayatapi June wi ihanke ikiyela qonhan wayazanka yunkan nikiyapi kta ea on pejuta wicaša tancan kin tuktel ecetu šni kin aiyopteya waslecapi na pikiyapi. Wana oliankoya eki-sni aya tanin selececa kin on maka kin ataya wicaša wašte unpi kin oyasin kinil wiyuškinpi.

Cuba wita ekta oyate unpi kin wana tawaiciyapi yunkan otokahetatanhan tanyan oičihiya škan okihipi kta ea on Milahanska oyate wašagya owicakiyapi cinpi tka icunhan Wakiya Wicaša Omnicieye Tanka unkitawapi kin ekta taku wanjigji tanyan wicakiciyuštanpi šni selececa.

Philipine wita kin ekta July 4th hetanhan United States ekta makowašpe territory eciyapi kin heca kitanla iyecel unpi kta ea Tunkanšilayapi kin wicakiciyuštan. He ikokab akicita itancan ece awanwicayakapi, yunkan wana ekta wokipajin kağapi na Milahanska taakicita ob kicizahampi qon he oyasin kinil ayuštanpi na ake hehanyela akicita itancan wicihukul unpi kta kipi šni tanin canke July 4th hetanhan tokatakiya Tunkanšilayapi toope kin heca ece ihukuya unpi kta wasuwicakiyapi na ecel unwicakiyapi.

St. Louis ekta wapazopi tanka econpi kte qon he kignakapi na May 1st 1904, kinhan econpi kta yuštanpi.

Lakota oyate kin wana tanyan wowaši econ ayapi na on wicaša oičihiyi šni iyecelya onšiwicalapi na wowicayupi wowištece kin etanhan iglušpapi kta naceca. Tona blihecapi na ksapapi kin iglušpapi kta.

Lakota tanyan wowaši econpi na on mazaska ota oyuspapi kta iyeececa. Tka itušeš icunhan tiwahe ataya gluha el wowaši econpi kta ekta iglaka ahi tipi kin he tanyan šni. Wica ece tokan wowaš econ škanpi kin icunhan tawicupi na cincapi kin tiyata awanglakapi, na wojupi, na waniyanpi, na takuku hel gnakapi kin hena tanyan ekta etonwanpi yunkanš wašte kin ee kta. Icin, mazaska kamnapi kte cin hena on woyute na hayapi opeiçitonpi kta, canke kohan ota kamnapi na

he on kignakapi wašte, na icunhan woyuha tona wana gluhapi kin hena koya tanyan awanglakapi kta iyeececa. Tuktel wowaši econpi kin ekta tanyan wakamnapi na icunhan unma ihanke ekta tiyata woyuha kin el wawignuni tanka akipapi hecinhan ijiçapi kte cin tukte e kta he?

Chilocco Owayawa Tanka kin ekta wicincala wikcemna topa pte asanpa yuslipi wicohan onspewicakiyapi. Eya wicohan kin he wica kin tawa selececa qeyaš winyan kin hunli inš eya he onspepi kinhan wašte naceca.

Pima oyate etanhan wicaša wikcemna yamna lecala Northern California ekta mazacanku kağapi kin ekta wowaši igni iyayapi. Hena išicola ekta awicayapi na wowaši econpi kin on anpetu wanji yunkan \$1.50 wicayupi kta. Heceel iyesh tanyan wakamnapi kta selececa, tka itušeka heciya woyute e na taku oyasin lila teliika cankelaka mazaska olota icupi kta kipi.

St. Louis ekta wapazopi tanka kta ea on Holbrook, Arizona, ekta Navaho winyan opawinge wanji sanpa wikcemna topa kohan šina waštešte tokel okihika ota kağapi kta blihela škanpi.

May wi icunhan, Mohonk Lodge eciyapi kin, Oklahoma makowašpe ekta, takuku eye napepi kin on kağapi heca mazaska opawinge topa (\$400.00) wiyopekiyapi. Wi wanji yunkan mazaska henakeca oyuspapi qon he oyate ablezapi yunkan sanm wicaša ota iyecel kuwa ayapi.

June 30th qonhan Apache ewicakiyapi kin inš eya wowaši econ ayapi. Tamakoce wakpa tanka wan etanhan aminitanyapi kta ea on mini ocanku kağapi el wowaši econpi kin etanhan wokamna yuhapi kta, na icunhan tamakoce el waicage on gluwastepe kta canke nonpakiya piliçiyapi kta iteka.

Pine Ridge Agency District, White River.

Anpao kin:

Lena omiyecilaka wacin. Ito taku wan lehan awableze lo. Wicaša iyuha Wakantanka wacin anyanpi he slolunkiyapi. Ho yunkan lehan Oglala oyate el wocekiye econpi kin ataya iwan-blake lo. Ho yunkan tuwa tanyan ya cin wocekiye kin opeya yahtakapi ea hinlpayapi lo. Ho yunkan wacekiye wicaša kin hena wanji kin cepi. Ito mitakuyepi hena lehan unkayuştanpi wacin ye lo, na piya Wakantanka unkiksuyapi wacin ye lo. Ho yunkan oyate ošpaye wicabluha epe lo. Ho yunkan koškalaka na wikoškalaka ko oyasin ŋapi, hena Wakantanka wacinye hecapi tka ye lo. Ho ŋapi ea tehi slolwaye lo, ongnataku wanji sica yeš

tanyan eyanpahapi tka ye lo. Hena oyasin wacekiye wanwica-blake šni ye lo. Ho tona Anpao iyacupi kin oyasin nape ciyuza-pe lo.

Mr. Silas Blind.

Philip Arnold ŋa.

White Swan, S. D. etanhan.

Anpao:

Ito nakaha wayaotanin ciši kta. Tuktetanhan toka nicagapi qon behantanhan ohinni icicu tka tohinni takuna yaotanin ciši šni; tka hekta decana taku woteli wan awakipa. Hekta July 26th 1901 hokšina wan tonpa qa nina te-unlidapi tka St. Philip Chapel, White Swan, S. D. Baptisma wakan qupi, Aug. 25th 1891 hehan. Unkan behantanhan tanyan un, qa April hetanhan holpa hecen Pejihuta wicaša kuwapi keyaš okihipi šni ecen micinkši tewahinda qon he June 24th he hanhepi kin wanjini sam okise hehan niya kin atanin šni hecen wotelika wan awakipa. Unkan maka akan tohinni ake wambdakin kte šni kin heon, tka taku wakan weksuya "Wakantanka wawicayupi qa ake waekdaku." Heon micinkši teunlidapi qon he dehan tukte onyan hecinhan unkokihipi šni naceca, tka he okna naunjinpi kta kinhan anpetu ehake kin en wanunkdakapi kta. He woteli unakapapi kin heon yaotanin ciši. Ho Philip Arnold eciyapi. Atkuku Matthew Arnold, hunku Eliza Arnold he cinçapi. Ho henana epin kta.

Matthew Arnold, Indian Judge.

Low. Brule Agency etanhan.

Anpao kin:

Le Lakota oyatepi kin egna laotanin wacin. Mitakuyepi, tona Christian henicapi kin hena iapi wan lecel ciçupi wacin. Eya ecin takomni Wakantanka Toie kin hena ecel econqonpi tka e unkokiçiyakapi niite temni kin on aguyapi yaçlutin kta, tka maka oyatepi kin lecel iapi le Wakantanka unqupi ea tuwa wowaši econpi na temni wakamnapi kin le hecetu šni keya ehantanhanš he Wakantanka hi kipajin kta. Heon etanhan ehakei iapi nom epin kta wacin. Igluhapi wicohan ektakiya onspeunkiyapi kte cin le iyuškinyan onspeunkiciciyapi kte cin he hecetu. Heon etanhan mitakolapi, Itancan unkitawapi kin nitancanpi kin en tanyan awaniyakapi kta e icekiya po, na tokata tawaiciyapi owo-tanla na wašte kin, na on tiwahe igluwaštepi na ska igluhapi wicohan kin ekta aiyagluwa tanyan unkiyohipi kte cin hehanyan Itancan unkitawapi kin icekiya wowaši econqonpi kta. Heon etanhan mitakolapi, tona wanna wowaši kin le econonpi kin, naiš tona nahalicin econpi šni eša pta-ya wocekiye on unkiciksuyapi wacin. "Ohinniyan mitawocekiye otioyohi en niyepi owasin on iyuškinyan cewakiya ece." Philippi 1:4. Mitakolapi wowaštelake iyotan on nape ciyuzapi.

Daniel High Elk, Chapel of Holy Faith